

ՄԱՐԴԱՍԷՐ ՀՕՐՋ ՄԻՒԼԼԷՐ ¹⁾

Աղօթքի թելեֆոնը:

Այս վերոգրեալ մանրամասնութիւնները հետաքրքրաշարժ են ըստ բաւականին: Բայց նոքա լոկ առաջնորդում են դէպի բուն կարեւոր կէտը, դէպի այն ճանապարհը որի մէջ Զօրջ Միւլէր իւր փորձերով ցոյց տուեց և վերլուծեց իսկական բանւորութեան արժէքն այն աննիւթական թելեֆոնի որ կոչւում է Հաւատքի Աղօթքը: Ամենևին տարակոյս չկայ թէ այդ Աննիւթական թելեֆոնը բանեց ամեն օր և վաթսուն տարւում բոլոր օրերում, Բանեց նաև ճշտապահութեամբ և հաւատասօք, թելեֆոն ոչ թէ արնպիսի մի կանոնաւորութեամբ, որը կարողանար գոհացնել նոյն իսկ նորանց որոնք նախում էին Զօրջ Միւլէրի վրայ իբր հերետիկոսի վրայ, բայց հիանում էին նորա գործերով:

Աղօթք Հարաւային Քամիի համար:

Զոր օրինակ վեր առնենք մի պարագայ ուր երևում է Զօրջ Միւլէրի երեխայական վստահութիւնը Աստուծոյ վերաբերմամբ.—

Սրանից քառասուն տարի առաջ, Պարոն Միւլէրի Որբանոցում ջերմացնող գործիքի գլխաւոր կաթսան շատ վտանգաւոր կերպով խանգարուում է: Ամբողջ կաղմուածքի վերանորոգութեան համար հարկաւոր է դատուում երեք օրուայ աշխատութիւն: Հիւսիսային մի շատ կծու քամի էր փչում այդ շաբաթ: Պարոն Միւլէր Ս. Գրքի մէջ կարդացել էր թէ երբ նէհէմիա շինում էր տաճարը, նա կարողացաւ վերջացնել աւրովհետև մարդիկը աշխատելու կամք ունէին: Ուստի ինքն էլ աղօթեց երկու բանի համար — նախ որ հիւսիսային բուքը փոխուէր հարաւային տաք քամիի, և երկրորդ որ մշակները կամք ունենային աշխատելու: Այն օրը որ կրակը հանգցրին գործի ձեռնարկելու համար հիւսիսից բուքը դադարեց և տաք քամի սկսեց փչել հարաւից, որով երեխաները չէին մրսում: Սրբ առաջին օրուայ իրիկունը վրայ եկաւ, բանւորները ուղեցին Միւլէրի հետ խօսել, և ասացին նորան թէ իրենք իրենց մէջ ընդհանուր համաձայնութեամբ մտածել են ամբողջ

¹⁾ Յե՛տ Լուսայ Ք 5.

գիշերը դործել, որպէս զի շուտ վերջանալ և որքերը չմնան առանց կրակի: Այսպէս մարդիկը կամք ունեցան աշխատելու:

Բնականաբար աստուածային մեծ Համադրութեանը պիտի վերադրել քամիի այս փոփոխումը հիւսիսից հարաւ, սակայն այն համադրութիւնները որ միշտ պատահում են չանոնաւոր լաշորութեամբ, քէթ, մտածել են տալիս մի ինչ որ կապակցութիւնների գոլութեան մասին, որոնք տարբեր են սոսկ դիպումաներից:

Մի նախնական փորձ:

Առանց ըննութեան առնելու այս վերոգրեալ օրինակը, հետամուտ լինենք տեսնելու թէ որքանոցը ինչպէս գոլութիւն առաւ և ինչպէս նա դարձաւ հաւատքով Աղօթքի զօրութեան այնպիսի հակադական և գերազանց մի պատկերը: Մինչև այժմ աստածներից արդէն հասկանալի եղաւ թէ Զօրջ Միւլէր՝ դեռ ևս որքանոցի գոլութիւնից առաջ՝ սովորութիւն ունէր իւր դրամական պէտքերի համար դիմել Աստուծոյ և հաւատում էր թէ իւր աղօթքների գոհացուցիչ պատասխանը կստանար Աստուծուց, նա տեսաւ թէ աղօթքի վրայ լոյս դնելու արդիւնքը համեմատելով իւր դադարած կանոնաւոր հասոյթի հետ շատ աւելի շահաւէտ էր, իւրաքանչիւր ունեցած ռուբլիի փոխարէն որ նա զոհել էր բարի գործի համար աղօթքի միջոցաւ նա ստանում էր երկու կամ երեք ռուբլի: Պարզապէս ֆինանսական տեսակէտից նա փող էր վաստակում, ձեռքը ջէրը դրած, իւր սեփական պէտքերի համար լոյսը դնելով Տիրոջ վրայ, Եւ այսպէս նա շարունակեց վեց տարի: Շատ ու շատ անգամներ է պատահել որ ծախսել է իւր վերջին կոպէկը և ոչինչ չէ ունեցել ապրելու կամ տուրք հաւաքողին հատուցանելու համար, բայց այդ ամեն անգամներին էլ փողը վրայ է հասել ճիշտ ժամանակին: 1835-ին, զոր օրինակ, ութսուն մի տեղից զրկուած 50 ռուբլին ստացաւ ճիշտ տուրք հաւաքողի գալուց մի քիչ առաջ: Զօրջ Միւլէր շարունակ կարողանում էր աղօթքի մէջ խնդրած փողը ստանալ ինչ բանի համար էլ որ լինէր, Եւ ամեննին պարտքի տակ չընկաւ:

Առաջին կոշումը:

1834-ի Հոկտեմբերի 28-ին էր երբ Միւլէր առաջին անգամ սկսեց լրջօրէն մտածել որքանոցի գաղափարի մասին: Մի փոքրիկ օրբ կար որ իւր ուշիմութեամբ ու բարքով գրաւել էր պ. Միւլէրի համակրանքը, սակայն շատ շանքած երեխան զրկուած է աղքատանոցը որովհետեւ Լիպրոցի հոգաբարձութեան միջոցները չէին ներում: Իւր լուշատեարի մէջ պ. Միւլէրը դրած ունի. — Թող այս օրինակը, եթէ կամք Տեսուն իղէ, ինձ առաջնորդ լինի որ կարողանամ մի ճար գտնել աղքատ երեխաների հոգևոր և մարմնաւոր պէտքերի համար:

Տասն երկու ամիս որքանոցի անհրաժեշտութեան մասին

անդալար խորհրդածելուց լետու, վերջապէս հաստատապէս որոշում է ալ ևս դործի ձեռնարկել: Սակայն ալդ հետեանքին գալուց առաջ, ըստ իւր սովորութեան, առաջին գաղափարը եղած էր «Տիրոջ կամքը հարցնել»: Մի ամբողջ ամիս իւր օրերը «աղօթքով» անց կացնելուց վերջը հետզհետէ աւելի ու աւելի համոզուեցաւ թէ ալդ գաղափարը Աստուծուց էր ներշնչուած իրեն: Բայց այն սկեպտիկ ընթերցողները, որոնք անպատասխար որբերի վրայ մտածում են սոսկ անօթի փորերը կշտացնելու և մերկ կոնակաները ծածկելու տեսակէտից, չպէտք է երևակայեն թէ բարեմիտ Միւլէրը իւր ալդ նպատակին մղողու էր պարզապէս նութագաշտ փիլիսոփայութեան այս տեսակ նկատումներէր: Զորջ Միւլէրի փափագը հիմնովին տարբեր էր հանդէպ այն կարեկցութեան և համակրութեան որ նա կարող էր զգալ երիտասարդ ֆիզիքական նեղութիւնների համար: Երեկոսաների ապրուստի հարցը, ստուգիւ, բնաւ երբեք նորա մտածմունքի առաջին նպատակը չէր:

Ինչու նա հիմնեց որբանոցը

Իւր լուշատետրի մէջ նա անկեղծօրէն և լիովին լատնում է թէ ինչու էր պէտք տեսնում որբանոց հաստատելու: Նա ասում է թէ, իւր պաշտօնավարութեան մէջ, այնքան լաճախ էր պատահում երկմտութեամբ և թերահաւատութեամբ լի քրիստոնեաների, որ ինքը համոզուեցաւ թէ, մեր ներկալ օրերում Աստուծոյ որդիքը ամեն բանից աւելի պէտք ունին ամուր և զօրաւոր հաւատքի: Նոցանից ոմանք վախենում են իրենց շահաւոր ժամանակը զործածել ս, Գիրք կարդալու կամ աղօթելու համար զի մի գուցէ իրենց անձնական զբաղումից ձեռն քաշեն, ուրիշները անցնում են իրենց կեանքը զուտ մարմնաւոր վախճանների մէջ առանց նորանից բարձր դիտելու, մինչդեռ մի երրորդ մասն էլ վախենում են ապաւինել Աստուծոյ թէ նա արդեօք հոգ կը տանի իրենց եթէ իրենք թնձկներ հնազանդեն Նորա պատուիրանքներին: Միւլէրի ցանկալի նպատակն էր «ուշենալ մի այնպիսի բան, որով իբր մի տեսանելի փաստով ցոյց տամ իմ քրիստոնեակ եղբայրներին թէ մեր Աստուածն ու Հայրը միևնոյն նախկին արժանահատ ու արդար Աստուածն է, թէ Նա միշտ պատրաստ է ապացուցանելու որ ինքը միևնոյն կենդանի Աստուածն է նաև մեր օրերում ինչպէս էր ժամանակաւ այն մարդոց համար որոնք ապաւինում էին Իրեն»: Միւլէրի ուշ ու միտքը միշտ այս կէտի վրայ էր պտտում: Նա ուզում էր մի այնպիսի ակներև նշան, այնպիսի մի շօշափելի փորձ, որպիսին էր Այազ Թագաւորի արևացոյցի ստուերի ետ երթալը, կամ որպիսին էր Ահարօնի գաւազանի ծաղկելը:

Իւր պատանեկութեան ժամանակ Գերմանիայում տեսել էր Ֆրանք անուն մի երկիւղած քրիստոնեակի հիմնած սրբատունը, նա այժմ շատ աւելի լստակ թափանցում էր այն հո-

գեկան անհուն ուրախութեան մէջ որ Ֆրանքը զգում էր որ-
քառան գոյութեան համար և կրթում էր որբերին Աստուծոյ
ճանապարհով: Այդ լիշատակը անդադար արժարժեւում էր իւր
երեւակալութեան մէջ և ինքն էլ ցանկանում էր Ֆրոյժ օգ-
նականութեամբ նմանօրինակ մի ձեռնարկ ի գլուխ հանել
Բրիտտոլում:

Որբանոցը իւր Աղօթախորձ

Հարկաւոր է մասնաւորապէս շեշտել այս կէտի վրա:
Որովհետեւ հանրային գաղափարն այն է թէ Միւլէր հիմնեց
այդ որբանոցը որպէս զի մի օգնութիւն արած լինի որբերին,
և թէ Անտեսանելի Զօրութիւնը խորհրդաւոր եղանակաւ ըստ
ամենալին նպատեց նորան ի վարձատրութիւն նորա ընտիր
գիտաւորութեանը: Նա աղօթքա-թէլէֆոնը չգործածեց որպէս զի
հիմնէ Որբանոցը: Նա հիմնեց որբանոցը որպէս զի ապա-
ցուցանէ Աղօթքա թէլէֆոնի օգտակարութիւնը: Իւր լուշա-
տետրի մէջ ասում է, իւր ցանկութիւնն էր աշխարհի և եկե-
ղեցու առջև ներկայացնել մի ազդու փորձ թէ Աստուած ամե-
նեին չէ փոխուել մարդկային ազգի վերաբերութեամբ, և դորա
համար «ի՞նչ ամենից աւելի լարմար թոեցաւ մի սրբանոցի
հիմնարկութեամբ ապացուցանել»: Նա ասում է.

«Պէտք էր մի արնայիսի բան որ կարելի լինէր տեսնել,
նոյն իսկ բնական աչքով: Ուստի եթէ ես, այս աղքատ տե-
ղովս, ոչ մէկ կոպէկ չխնդրէի ուրիշից այլ միմիայն աղօթքով
և հաւատքով լաշողէի հիմնել ու լառաջ տանել մի որբանոց,
այն ժամանակ կարելի էր այդ երևութի մէջ նշմարել մի նշան
որ ամրապնդէր Աստուծոյ որդիների հաւատքը, բացի այդ
դարձի չեկածներ խղճի համար դա կը լինէր իբր աստուա-
ծային գործերի ճշմարտութեան հաստատ մի ապացուցը: Այս
էր, ուրեմն, իմ առաջին նպատակը որբանոցը հաստատելու
համար: Ես արդարեւ ցանկանում էի որ հօրից ու մօրից զուրկ
խեղճ երեխաների մարմինները խնամուին Աստուծով, և միւս
կողմից էլ Աստուծոյ օգնութեամբ փափագում էի նոցանից
չինել բարի մարդիկ այս կեանքի համար: Նաև ես լատկապէս
ցանկանում էի այդ սիրելի որբերին կրթել Աստուծոյ երկիւ-
ղի մէջ: Բայց և աշուումենալն իմ գործի առաջին և զըլ-
խաւոր նպատակն էր (և այժմ էլ է) ապացուցանել Աստուծոյ
մեծութիւնը թէ իմ խնամքին տակ եղած որբեր ամեն պէտ-
քերը հոգացուել ու հալթալթուել են միայն աղօթքով և
հաւատքով առանց իմ կամ գործակից ընկերներիս կողմից
գիմում լինելու ու և է մէկին, որով կարելի է տեսնել թէ
Աստուած գիւս ևս արժանահաւատ է և դեռ ևս
ստում է աղօթքին»:

Մի գիտական փորձ:

«Որպէս զի բոլոր աշխարհ և Աստուծոյ ընդհանուր եկե-

ղեցիները տեսնեն թէ տակաւին այս օրերումս Աստուած ունկնդրում է աղօթողին, և Աստուած աղօթքի և սիրոյ մէջ միշտ նորին է ինչպէս եղած է երբեմն» այդ էր ուրեմն Ջորջ Միւլէրի նշանաբանը որքանոց հիմնելու որոշման մէջ և ոչ ոք կարող է ժխտել այս խօսքերը ով որ հետեւելու լինի նորա պատմութեանը 1836-ից սկսած մինչև 1898: Եւ այս ուսումնասիրութիւնից կարելի է հետևացնել թէ Ջորջ Միւլէր մի փորձառական փիլիսոփայ էր: Բրիտանական ընկերութեան նախագահ պրօֆէսոր Թինդալ վերջերումս առաջարկեց որ մի ու է հիւանդանոցի մէջ աղօթքը գործածել արուի իբր ըուժելու միակ միջոց կարենալ փորձելու համար աղօթքի զօրութեան աստիճանը: Մինչդեռ Միւլէր արդէն վաթսուց տարիից աւելի էր որ փորձառական մեթոտով արդէն կատարում էր աստուածային գոլութեան և աղօթքի ներգործութեան այդ գիտական հետազոտութիւնը սնուցանելով հազարաւոր որբեր:

Հրաշքներով բեկառգարդուած մի վէպ

Մեծ փորձի պատմութիւնը նախաբանից մինչև վերջաբանը կարդացում է իբր մի անընդհատ վէպ—բեկառգարդուած հրաշքներով, որոնք սակայն դադարել են հրաշքներ նկատուելուց քանի որ ամեն օր են պատահում և ըստ ժամանակակից բանապաշտ դատողութեանց —այդ վէպի և նորա հրաշքի տարրի մէջ այնքան ծաղրելի անհեթեթութիւն է խառնուել որ մարդ չէ կարողանում իւր բարձրաձայն քրքիջը զսպել:

Երբ 1835-ի վճռական ղեկտեմբերին, Ջորջ Միւլէր տատանում էր որքանոցի թեր ու դէմ փորձառական ջուրայի մէջ, միանգամայն ծանր երկմտութեան մէջ էր ընկել թէ արդեօք այս ձև աղօթափորձութեան ցանկութիւնը լառաջ էր գալիս Աստուծուց եթէ ոչ Սատանայից: Միթէ Աստուած արդէն պէտք եղածից աւելին չէր տուել իրեն անելու համար: Այն ժամանակ նա երեսուն տարեկան էր, և արդէն հաստատած ունէր երեք ցերեկեայ դպրոցներ, մի հատ կիրակնօրեալ դպրոց. և մի հատ չափահասների դպրոց, և լառաջ էր վարում գթութեան երեք դպրոցներ, որոնք ալլապէս պիտի փակուէին դրամական անձկութեան հետևանքով: Նաև աշակցում էր արտաքին առաքելութիւններին, և չին ու Նոր կառկարաններ էր տարածել տալիս հազարներով: Արդ քանի որ այսքան բարի գրադումներով ծանրաբեռնուած էր, էլ ինչու էր մտածում վերստին փորձել նախախնամութեանը ձեռնարկելով այս որքանոցին իբր Աստուածային բնութեան արտաքուր կարգի մի նոր փորձ, մանաւանդ որ հինգ տարի շարունակ ինքը բաղմամբ և փորձերով համոզուել էր: Այս հարցը ուրեմն ողջամիտ, խելացի, գործնական մի առարկութիւն էր: Բայց խնդրի կարևորութիւնը գերակշռեց նորան, և Միւլէր մտածեց

թէ եթէ Աստուած կամենում է այդ փորձն էլ կը կատարէ իւր միջոցաւ:

Բաղդի փորձ

Միւլէր ունէր բոլորովին իրեն լատուկ մի մէթոդ ունէր և էրանի ստուգութեանը համոզուելու համար: Նա խնդրեց Աստուծոց որ իւր կամքը լալտնէ նորան Կրէյք եղբայրների միջոցաւ: Յետոյ դնաց Կրէյք եղբայրների մօտ և տեսաւ որ նոքա ջերմապէս քաջալերում են նորա գաղափարը: Այս որոշեց խնդիրը ներկայացնել բարեպաշտ հասարակութեան առջև մի հաւաքական ժողովի մէջ: Բայց իր այդ որոշումը տակաւին չգործադրած տեսաւ իւր նպատակի ճանապարհը հարթուած իւր առջև, եւ այդ ճանապարհը որով նա հասաւ իւր եղբակացութեան այնքան «մազալու» է որ ամենաստուածաւախ քրիստոնեակի ծիծաղը կարող է շարժել: Միւլէր միշտ կարդում էր Ս. գիրքը: Դեկտեմբերի 5-ին նա կարդում էր ութսուն մէկերորդ սաղմոսը: Այդ մի գոհաբանական սաղմոս է որ մի երկիւղած խորալեզի շարադրել է սրանից երկու հարիւր տարի առաջ ի փառաբանութիւն աստուծաւորին մեծ սիրուն առ իսրայէլ: Տասներորդ տունի մէջ ասուած է.—«Ես եմքո Տէր Աստուածը որ ազատեցի քեզ Եգիպտոսի երկրից: Բերանդ լալն կերպով բաց արաւ և ես կը լեցնեմ: Պատմականօրէն, պատճառաբանօրէն, կամ ինչ մեթոդով էլ որ քննելու լինինք, պիտի տեսնենք թէ այս բանաստեղծական լանկերդը վերաբերում է Ելից զրքի այն դէպքին ուր իսրայէլացիք կերակրուած են մանանալով և շորամարգիներով: Դրանից դուրս ուրիշ մեկնութիւն չկալ: Մեկնաբանական ոչ մէկ դրութեան հիման վրայ, անտարակուս կարելի չէր եղբակացնել թէ Տէր Աստուածը իսրայէլի զաւակների հետ կապած իւր այդ խոստումով միանգամայն կարող էր պարտական մնալ լեցնելու Բրիստոլի գերմանացի միսիոնար Զորջ Միւլէրի բերանը տասներեքերորդ դարում, և այն եւս մի ալնպիսի պայմանաւ որ որչափ լալն կարողանալ բանալ Տէրն էլ ալնչափ աւելի լցնէ: Թէպէտ և կարող է անհաւատալի երևել, սակայն թունալս օրինակը և այս օրինակի մեկնութիւնն էր որ առաջնորդեցին Զորջ Միւլէրին սկսել իւր որքանոցի գաղափարի գործադրութիւնը:

Եւ բա՛ց դերան քո լալն

Միւլէրը ասում է.—

«Այդ ամբողջ երկու շաբաթուալ ընթացքում ես ամենեւին փող չխնդրեցի Աստուծոց և ոչ էլ մարդիկների դիմեցի որ գործին աջակցեն: Դեկտեմբերի 5 ին, սակայն, աղօթքիս նիւթը միանգամայն տարբեր մի բան երևեցաւ ինձ: Եւ կարդում էի ձև Սաղմոսը, և առաջին անգամներից աւելի, մի մասնաւոր տպաւորութիւն զգացի տասներորդ տունի ընթերցումից» բերանդ լալն բացարաւ և ես կը լեցնեմ: Մի քանի վայրկեան

մտածեցի այս խօսքերի մասին և ապա ներշնչում ունեցալ ալդ բառերը լատկացնել Որբանոցի խնդրին: Ինձ երևում էր թէ ես ամենևին տիրոջից բան չէի խնդրել ալդ առիթով, բացի իմանալուց Նորա կամքը թէ արդեօք պէտք է հաստատել թէ ոչ, ուստի ծուկեկերիս վրայ ընկալ և բերանս բաց արի լալն կերպով ու սկսալ սաստկապէս խնդրել: Ես խնդրեցի որ Նորա կամքը ուղեցուց լինի ինձ, առանց նշանակելու մի որոշ ժամանակ թէ երբ արդեօք պիտի պատասխանէ իմ խնդրուածքին: Ես աղօթեցի որ ինձի տալ մի տուն, զօրօրինակ ունէ մէկը ներշնչուի իւր տունը փոխ տալ, կամ թէ մէկը դուրս գալ վարձքը վճարելու փափաք չալտնէ, կամ թէ որևէ մէկը տունը ընդ միշտ նուիրէ ալդ նպատակի համար. դրանից դուրս ես խնդրեցի ճիշտ 10,000 ռուբլի, և նմանապէս խնդրեցի որ լարմար մարդիկ մէջ տեղ դան որբերի հոգատարութեան մասին մտածող: Եւ այս ամենից լիտով ես խնդրեցի տիրոջից որ մտնէ իւր ժողովրդի հոգու մէջ և նրանց թելադրէ որպէսզի ղրկեն ինձ տան կահկարասիներ, և զգեստեղէններ երեխաների համար:»

«Եւ ես լցից զնա»

Միւս օրը ոչինչ չեկաւ, երրորդ օրը առաջին անգամ լինելով ստացաւ իստուն կողէկ: Նոյն երեկոյին մի երկրորդ լիստուն կողպէ է աւելանում վրան: Դեկտեմբերի 9-ին մի հանդերձանոց է գալիս: Մի ժողովից հաւաքւում է հինգ ռուբլի: Թէև ո և է հանդանակութեան չէր ձեռնարկուած բալց մի աղջիկ ինքնաբերաբար նուիրում է ալդ գործին: Իւր նպատակը չալտնի էր դարձել ժողովրդին: Դեկտեմբերի 10 ին մի մարդ և մի կին իրենց նուիրում են ալդ գործին: Նոքա պատրաստականութիւն են չալտնում իրենց բոլոր կահկարասիքը տալ որբանոցին, և իրենք էլ ձրիաբար աշխատել որբանոցի համար: Երեկոյին մի եղբայր զանազան անհատներից բերաւ երեք ափսէ, քսանութ պնակ, երեք տաշտ, մի կուժ, չորս կճուճ, երեք աղաման, մի քերոց, չորս դանակ, և հինգ պատռաքաղ: Այսպէս է սկսում Միւլէրի մոգական հրապուրանքի պատմութիւնը, որպիսին միայն կարելի է տեսնել աւրարական «Հաղար ու մի գիշերներին» մէջ:

Աղօթքի կախարդութիւնը

Կախարդութիւնը շարունակում է գործել, օրէցօր աւելի աւելի սաստիկ զօրութեամբ: Եւ տակաւին որչափ աւելի էր փող գալիս Զորջ Միւլէրն էլ արնչափ աւելի լալն էր բաց անում իւր բերանը: Դեկտեմբերի 12-ին մի անհատ անյուսալի կերպով նորան տուեց 500 ռուբլի: Ուստի «Ես շարունակեցի աղօթք անել որպէս զի ալդ օր Տէրը դեռ մի քիչ էլ աւելի փող ղրկել տալ:» Հետեաբար նոյն երեկոյին նա ստացաւ քսան և ինն մէթրօ տպածով (չիթ): Իրարու ետևից բազմաթիւ կնիկներ եկան անձնուիրաբար ծառայելու համար որբանոցի մէջ:

Մարդուն մէկը եկաւ նորա մօտ և սսեց թէ ինքը նուիրում է 26,000 ռուբլի մի կալուած երբ Միւլէր ձեռք բերելու լինի 5000 ռուբլի Միւլէր Սատուծուց խնդրել էր ճիշտ 10,000 ռուբլի կաւն խիկ դրամ որպէս զի ալնուհետև միայն ձեռնարկէ գործին: Մի առ ժամանակ սկսեց քիչ քիչ գալ, բալց լետու երբ սկսեց աւելի լալն բանալ բերանը, փողերը ու նուէրները վերստին շատացան: Մի օր ստացաւ 75 ռուբլի, մի ուրիշ օր 400 ռուբլի, և ապա բազմաթիւ զարդեղէններ, այսպէս՝ մի ոսկի գնտասեղ, 15 մարգարիտ, 2 զարդասեղ, 2 մետաղէն, 11 մանեակ, 1 ապարանջան, եւ, ամենքն էլ ոսկի-ից: Վերջապէս լունիսի 15 ին նա ունէր 9950 ռուբլի: Սակայն 10,000 ռուբլիից մի կոպէկ պակասով անգամ չէր համաձայնում գործի ձեռնարկել: Սի ամբողջ որ ես գործածեց աղօթելու բերանը միշտ հնար եղածին չափ աւելի լալն բանալով: Նոյն երեկոյին ճիշտ 50 ռուբլի փող եկաւ իրեն, ոչ աւել ոչ պակաս:

Զորջ Միւլէրի բերանը լցուեցաւ վերջապէս 10,000 ռուբլի ալպէս գանձելուց լետու միայն ծունկի եկաւ և շնորհակալութիւն լալտեց Սատուծու:

Խոստումը ինչպէս պահուեցաւ

Ահա այսպէս նա սկսեց: Բալց աւելի դժուարին ալն է թէ ինչպէս զարգացցաւ ու բարգաւաճեցաւ մինչև որ կարողացաւ իւր լարկին տակ պահպանել 2000 որբեր և տարեկան 200,000 ռուբլիից աւելի ծախք անել: Այդ հարցի լուծումը պէտք է փնտռել Միւլէրի ջերմեռանդ աղօթքների մէջ:—

Զնալելով որ լաճախ մնում էինք առանց փողի, լիրաւի առանց փողի մինչև ալն աստիճան որ հինգ կոպէկ իսկ չէր մնում ինձ մօտ, կամ սեղանի վրայ գտնուած հացից դուրս ուրիշ հաց առնելու կարողութիւն չէինք ունենում, ալնու-ամենալնիւ բնաւ անօթի չմնացինք, և Տէրը մեր սնունդը մատակարարեց ճիշտ լարմար ժամանակին: Աս պարտաւորուած եմ լալտարարելու ալս բանը և ես ուրախութեամբ եմ անում ալն լալտարարութիւնը: Իմ Տէրը շատ բարի գտնուեցաւ ղէպի ինձ:

Հաւատքի աղօթքը եթէ ոչ թէլէպաթի:

Յիսուն նուիրատուներից քառասունն և ինը անձամբ անձանօթ են եղել պ. Միւլէրին. նուիրատուներից և ոչ մէկին անձամբ ղիմում չէ եղել և ոչ իսկ մէկ կոպէկի համար: Կէս կոպէկ իսկ ծախք չէ եղել լալտարարութիւնների համար: Հանգանակութեան միջոցներ էլ ամենեկին չեն ձեռք առնուել: Նուիրատուների անունները հրատարակութեան չեն լանձնուել որպէս զի ուրիշների սնափառութիւնն էլ գրգռուի նպաստ ղրկելով: Այլ միմիայն ամենալն ջերմեռանդութեամբ և հաւատքով: Ուրեմն հաւատքի թէլէֆոնն էր միայն որ անդադար բանելով սնունդ էր մատակարարում Բիստուլի որբանոցներին:

Ս. տեսանք թէ ալդ աղօթքա-թէլէֆոնը, արդարեւ, ինչ ահագին արդիւնք է տուել, Պ. Միւլէրը ձայն էր տալիս «կենդրոնականին» և կենդրոնականը կապակցում էր նորան աշխարհիս սմէն մասերի անձանց մի գարմանալի բազմութեան հետ որոնք ինքնաբերաբար տալիս էին ու տալիս: Ետ հազուադէպ էր որ Միւլէր կենդրոնականից խնդրէր որ իրան հետ կապի այս կամ այն անձը. ամենեին անձ չէր որոշում իւր աղօթքի մէջ: Մէկ անգամ, սակայն, երբ 1000 ռուբլիի մի շատ ստիպական պէտք ունէր, պատահաբար աղօթեց որ ալս ինչ մասնաւոր մարդի արտի մէջ փափաք լառաջանալ ու բերէ 1000 ռուբլի տալ իրեն: Աղօթքը անելուց լետով ալլ ևս լատկապէս չմտածեց ալդ կէտի մասին: Բայց եկ տես որ իւր մտադրած մարդից հետեւալ օրը 1000 ռուբլիի մի չէ ք ընդունեց: Այս, տարակուս չկայ թէ այս երևոյթին կարելի է անուանել Աղօթքի թէլէֆոն, կամ թէլէպաթի:

Կենդրոնականը

Բայց ո՞վ էր կառավարում արդեօք թէլէպաթիք մտակոնակները, քանի որ պ. Միւլէրը նրանց չէր տալիս ոչ մի որոշեալ ուղղութիւն, այնուամենայնիւ նրանք փոխանցում էին ուղղակի այնպիսի անձերի մէջ որոնք օգնութիւն տալու կարողութիւն էին ունենում: Մասնաւոր թէ ամեն պարագաներում էր փող շրկողները իրենց ներփակ նամակներով գրում էին թէ «Աստուած իրենց թելադրեց որ շրկեն»: Այս եղանակով է ձեռք բերել նաև այն հողը որի վրայ կառուցուած են որբերի տունը, թէ և ոչ իբր նուէր սակայն սեծ զեղչով: Պ. Միւլէր երկու անգամ վաճառողից խնդրում է ծախել իւր առաջարկած գնով, ալդ երկու անգամին էր մերժում է:—

Պ. Միւլէր այն ժամանակ ինքն իրեն մտածում է թէ երևի Աստուած մի ինչ որ դիտաւորութիւն ունի ալդ խնդրի մասին, և որոշում է ալդ օրը չերթալ այն պարոնի մօտ որպէս զի Աստուած իւր դիտաւորութիւնը տնօրինէ: Հետեւալ առաւօտ պատահեցաւ երիտասարդ հողատէրին, որը առանց դեռ բարև տալու լալտնեց թէ նորան այցելութեան էր գալիս, որովհետև նախընթաց գիշերը չկարողացաւ քնանալ,— և մինչդեռ այսպէս խնդուն անկողնում պառկած էի Աստուած ասաց նորան որ հոգը ծախէ պ. Միւլէրին նորա խնդրած գնի համեմատ ալսինքն իւրաքանչիւր ակրոնը (չորս արտավար) 1200 ռուբլիի ալլ ոչ թէ 2000 ռուբլիի ինչպէս որ ինքն էր ուզում: Տասն վալրկեանի մէջ վաճառման պալմանագիրը կնքում է որով ալդ գործից պ. Միւլէր շահում է 5600 ռուբլի:

Վերջապէս նպատուր միշտ գալիս էր

Իւր առաջին և վերջին անգամ ի լուս հանած պատմութեան մէջ, պ. Միւլէր միանգամ ընդ միշտ պնդում է թէ Որբանոցի հաստատման շարժառիթը և նպատակն էր ցոյց տալ թէ կենդանի Աստուածը տակաւին նոյն կենդանի Աստուածն է

ինչ որ Մարգարէների օրերում սրանից երեք հազար տարի առաջ, ինչ որ էր Առաքեալների օրերում սրանից հազար ութ հարիւր և վաթսուս տարի առաջ։—

«Երբ փողի պէտք ենք զգում լառաջ վարելու համար հաստատութեան ալ և ալ ճիւղերը մենք չենք խնդրում նախկին նուիրատուներին որ օգնեն մեզ, չենք զրկում մասնաւոր հրաւերագիրներ կամ աղերսներ որ օգնութեան հասնեն անտէր որբերին, չենք դիմում հանգանակութեան, ալ միայն աղօթք ենք անում, և համբերութեամբ սպասում ենք որ Աստուածաբն օգնութեան ժամը վրալ գալ, և նա անխափան օգնութիւն է հասցնում մեզ, թէ և ալ վաթսուս երեք տարուալ ընթացքում, շատ ու շատ անգամներ մեր համբերութիւնն ու հաւատքը մեծամեծ փորձութիւնների էին ենթարկւում նախքան օյնութեան գալը։ Բայց վերջ ի վերջ ոչ ալ դժգոհութիւնը միշտ գալիս էր պատեհ ըրալէտում։»

Դարձեալ նա գրել է, վաթսուն եօթն տարուալ փորձառութիւնից ըտուր։—

«Ինչ բանի որ ես ինքս կամ ընտանիքս պէտք ենք ունեցել ես ընդունել եմ Աստուծուց իմ կատարած աղօթքիս համապատասխան, և աշխարհի վրալ ապրող մարդիկներից և ոչ մէկին էլ չգիմում չեմ արել ուն է բանի համար, և մինչև անգամ իմ նիւթական անձկութեան մասին ամենեկին իմաց չեմ տուել ոչ մէկ անձի։ Երբ ես քարոզչական փափաքով շրջում էի աշխարհիս ալ և ալ մասերում եղող քառասուն երկու կրկնների մէջ, ես լաճախ պարտաւորուած էի 1000 ուրբի, 1400 ուրբի, այն, նոյն իսկ 2400 ուրբի երթևեկի ճանապարհածախս վճարել եմ և տիկին Միւլէրի համար, բայց և շարունակ լաջողում էի առանց ոչ ոքից օգնութիւն խնդրելու։»

ձիշտ թէլէֆոնի նման

Այսքան բազմաթիւ են ալ մարդի աղօթքի ազդեցութեամբ տեղի ունեցած մասնաղէպերի թիւը, որ նրանցից իսկապէս կարելի է կազմել հրաշքների մի պատմութիւն, եթէ ոչ աւելի գոնէ նոյնչափ հրաշալի որչափ որ հրաշալի է «վարք արբողը» Բայց տեսնում ենք թէ շատ անգամ Միւլէրի թէլէֆոնի պատասխանները ուշանում էին մինչ ալն աստիճան որ սիրտը հատնում էր և համբերութիւնն ու հաւատքը փորձութիւնների էին ենթարկւում։ Մարդկային ձեռագործ թէլէֆոնն ևս շատ անգամ միևնոյն սիրտ հատնող մներն ու փորձութիւնները պատճառում է գործածողներին, բայց ի վերջոյ բանում է ինչպէս որ Զորջ Միւլէրի հաւատքի աղօթքը սկսում էր բանել վերջ ի վերջոյ։

Ուշադրութեան արժանի է զրամական նուէրների գալու ձղանակը։— ալ փողերը զրկւում էին իբր շնորհակալաց ընծալ,

իր քառութեան նուէր, իբր պարգև, կամ իբր հրիտակ, Պ-Միւլէր ամենևին չէր ուզում ապահովագրել տալ որքանոցի չէնքերն ու սեփականութիւնը, և նոքա որ հետեւելով Միւլէրի օրինակին չէին ապահովագրել տալիս իրենց սեփականութիւնները, ալլուղակի լանձնում էին Տիրոջ ապահովութեանը ախպիսիք ապահովագրական ընկերութիւններին տալիք դրամը նուիրում էին Միւլէրի որքանոցին։ Բաց աստի եղած են նաև մարդիկ որ իրենց՝ կեանքի ապահովագրութեան դրամը ղրկել են որբերի պատսպարանին, այսպէս մէկը գրում է «ուղարկում եմ ձեզ 24 ուռլի ի վոխարէն կեանքիս ապահովագրութեան արկածների դէմ»։ Զորջ Միւլէրի պատմութեան այս դէպքերը կարգալիս երբեմն երբեմն մարդ զժողարանում է իւր ծիծաղը զսպելու։ Զորօրինակ մի բարի մարդ ուղարկում է տասը ուռլի հետեւալ քացատրութեամբ.—«մեր երկնաւոր Հալը տուել է մեզ երեսուն չորս հատ հաւ, և նրանցից ոչ մէկն էլ չէ լափշտակուել աղուէսից, մինչդեռ մեր հարևանների շատ հաւերը շարունակ լափշտակում են»։

Տնտեսականութեան ընծաները

Բրիստոլի մի խմբագիր լառաջ է բերել նուիրատուների շատերի շարժառիթները. այսպէս պահանջը գանձած լինելուն համար. կրակից ազատուելուն համար.—առողջութեան համար.—հունձքի լաջողութեան համար.—քնանալ կանաչութեան համար.—վերնադուռից անցնալ գետին ընկնելու համար.—Փանաղալի մութ մարգագետիններից մէկի մէջից ան.—կորուստ փրկուելուն համար.—ծիռը վալը ընկնելով միայն ծանրապէս վիրաւորուելուն ալ չմեռնելուն համար.—Երկու կովերի առողջութեան համար, որոնք հիւանդ էին և ապրելու չուէր չկար.—(մի կնկանից) Ամուսինը ծնունդի օրը զարեջուր չխմելուն համար.—գնած ձին լաւ ձի դուրս գալու համար.—«իմ ձախ թեղ կոտորուելուն համար, և ոչ թէ աջ թեղ կամ շիւնքս և կամ գլուխս».—«մէկ գնահատելի ծառալի ու մէկ խոզի մազապուր ազատուելուն համար մի կատաղի ցուլից».—«իմ սիրելի աղջիկը երեսի սաստիկ ցաւից ազատուելուն» համար.—Մի սիրտ վտանգաւոր մատի առողջանալուն համար.—Հարիւր աուրիկանոց մի չէքի ոչ կեղծ դուրս գալուն համար որովհետև ինքը կեղծ էր կարծում.—«Ամենասիրելի խորթ մօրս» համար.—չարիքից պահպանուելուն համար, որովհետև նուիրատուն բաղնէտունից գուրս գալուց հինգ վալրկեան վերջը ձեղուն փչում է։

Ահա այս և համանման շարժառիթներով են ղրկուած բոլոր նուէրները որոնցից գոյացել է տասն և հինգ միլիոնի ահագին գումարը։ Եւ այս բաները չեն տեղի ունենում Հաւատքի դարերում։ Նոքա տեղի են ունենում ճիշտ մեր օրերումը, տասն և ինն Դարեյրջանի վերջին տասնեակում, այս նախապաշտ և սկէպտիկ սերունդի միջում։

Եւ արդ, ընթերցող, քննէ՛ք հասկանում ալս ամեն բաներից: Զորջ Միւլէրը արդեօք հաստատեց իւր վիթխարի վարկածներին ստուգութիւնը, թէ ոչ: Անշուշտ հնարաւոր է քննադատել ալս հետեւութիւնները որ կարող են մակարեորուել ալս փորձից: Սակայն բուն իսկ փորձի արդիւնքի մասին ո ե է տարակոյս չէ կարող լինել:

Զորջ Միւլէրի գլխաւոր դիտաւորութիւնն էր ապացուցանել թէ հին թէլէֆօնը-որ ծանօթ է հաւատքի աղօթքը անունով-մի կենդանի իրականութիւն էր, մի գործնական եւ ամենալարմար մէթոդն էր իւր նպատակին հասնելու համար: Արդարեւ նա ապացուցեց:

Շատ հաւատացեալ մարդիկ ալս ամեն հրաշալի լաջողութիւնները վերագրում են միայն ալս կէտին թէ նա լատկապէս հաւատքին նուիրուած մի մարդ էր նրա համար էր լաջողում. սակայն Զորջ Միւլէր ժխտում է ալս տեսակ կարծիքները: Վերագրել նորան ունէ մասնաւոր լատկութիւն իբրեւ բացատրութիւն նորա խնդրուածքների լաջողութեանը—ալդ նա համարում է սխալ եւ անտեղի: Այլ նա զրանով ուզեց ապացուցանել ամէն խոնարհ ու հաւատացեալ հոգիներին թէ նոքա եւ, իւր նման, Աստուածալին գանձարանից կարող են ստանալ ալս ամեն բաները որոնց պէտք են ունենում: Բայց Զորջ Միւլէրի նման լաջողելու համար հարկաւոր է կապակցութեան մէջ լինիք, ե ունենաք ձեր մարտկոցները, ունենաք ալս ելեքտրականութիւնը որ լքցուած է հաւատքով: Ապա թէ ոչ, դուք կարող էք փոխանցման պաշտօնատան բաժանորդ դառնալ, բայց թէլէֆօնը չը պիտի բանի:

The Review of Reviews-ից

Քարդ. Պ. ՅՕՆԱՊԵՏԵԱՆՅ

Լոնդոն:

